

曬書堂試帖詩餘附

和鳴集  
祭財神詩

卷一





曬書堂試帖

磁石引鍼

得相字

科試題

書館藏

樓霞郝懿行蘭皋



物以機爲引神借迹兩忘是鍼方許合非石謾輕嘗妙  
自無心遇形偏易地良生原同臭味性本協堅剛偶觸  
能潛入羣投總不妨有緣符結契無間隱毫芒漆與膠  
須會金還玉共相此中如未喻芥珀更推詳

日合王字

德輝天下覽君象日中含有字苞符啓尊王點畫諸宛

曬書堂試帖

一

如丹篆寫疑向綠圖探復且重光耀同書所照單宅中  
從地見居正與天參得統原歸一成文自貫三

董子曰一貫三

爲王甯陽辰拱北履位面居南似鏡懸仁壽離明萬國函

十八學士

趙鹿泉先生試題取優貢第一名

文學開仙館巖廊得大朋秦藩勤探擇策府集賢能聯

袂皆英俊同堂盡股肱經綸霖雨作詞采綺霞蒸松夢

年同契箕疇數倍增十人書舊有八士瑞先徵麟閣終

須畫瀛洲已共登孟侯符際會

尚書大傳天子太子年十八曰孟侯

鳳翼

看飛騰



輕燕受風斜

燕燕初枝尾斜斜恰受風乍移深院北旋過短牆東  
若雙襟啓冷然兩掖通差池翻駭綠宛轉曳殘紅薄午  
炊煙外新晴絮影中微敲楊柳陌低蹴菜花叢好聽呢  
喃異誰矜綽約同祇疑畱不得飛去入寥空

奇文共欣賞

鷗閣甯堪賞鴻章自所欣精思超八極健筆埽千軍語  
訝從天落聲疑擲地聞奧詞搜古壁逸氣薄蒼雲一任  
才稱鬼須知思不羣書曾供下酒賦欲奏凌雲汨汨斯  
爲貴詹詹豈足云無庸尋响嘍千古愛奇文

曬書堂試帖

二

六事廉爲本

弊吏期何許當官本在廉存心標石介舉足遠瓜嫌勿  
以苞苴受而忘砥礪嚴須畱稜角附可使懦頑矻節愛  
從茲出公明自爾兼不貪人是寶無欲志能恬玉鑑清  
秋映冰壺朗月瞻

聖朝澄汰切簡拔及幽潛

樵夫笑士

譽髦良所重風議故應超談客信皆士笑人疑乃樵莠

言殊不擇蕪語妄相驕請學推農老循名愧楚翹譬諸  
區草木甘以謝芻蕘道藝根原淺薰豬味豈調野哉真  
品下莞爾肯聲銷茅塞當須去儒林蔚

聖朝

花與思俱新

園林呈異采詩思發春華命意初含蘂攄情漸茁芽秀  
從文圃擢新入畫欄遮不待詞飛藻先符筆夢花每當  
抽乙乙都與鬪斜斜迥雨姿偏豔臨風態竝嘉甯譏淫  
以麗雅合正而葩靜對神俱永鮮妍映錦霞

曬書堂試帖

三

迎歲早梅新

東蘂衝寒放梅梢綻玉英新從初歲發恰與早春迎首  
冠羣芳茂欣逢暖日榮羅浮風色暮庾嶺雪天晴暗暗  
香微動疎疎影乍橫一番花有信半樹月微明氣奪椒  
觴馥姿連柏葉清

上林先向

日畱期待調羹

桃始花

黍谷初回暖園林未吐葩彼穠方結蘂其灼始成華墟



圓春偏麗山巖錦欲遮微烘亭午日仁蔚遠邨霞有態  
還增豔無言亦足誇雨中脂水漲風外酒旗斜燕蹴續  
紛采蜂探爛漫花竹籬茅舍處借問是誰家

春日遲遲

韶光浮化國旭日蕩芳春暖送千門曉遲暄二麥勻繡  
添拈線女甄待入朝人澹池時偏永舒長景倍新桑陰  
歸緩緩鶯語度頻頻邁迤花風候清和穀雨辰農書宜  
獻種社鼓競吹幽勤苦逢蠶月微行正可遵

再成英

曬書堂試帖

四

呶啤形堪紀英成未易攀本疑孤島嶼如鬪兩煙鬢螺  
髻盤旋上蜂腰斷續閒岫聯雲疊出巖互菊重斑萬笏  
蒼如畫雙屏翠竝環不緣窮爾雅誰與辨青山

禮堂寫經

不其開講席吾道在東齊注禮堂稱古傳經字可楷殘

編傷腐敝汗簡舊標題有卷藏巾笥無書覓赫蹏

赫蹏見漢

書廣韻作幘

云赤紙出埤蒼刊殊碑作篆校待閣然藜筆吐心花燦

毫含帶草低紛綸囊錦貯繕寫架籤迷千載曲臺後從

君問徑蹊

九月築場圃

三秋將納稼半畝幸猶存此日場須築前時圃尙樊登  
憑霜戒曉畚鍤月初昏步去非閒地除來是舊園斜連  
楓葉屋正對竹籬門叮嚀差堪擬倉箱且莫論杵聲流  
迴野聊韻動前邨並看升新穀豐穰答

國恩

六月徂暑

三庚當暑後六月近秋辰藕雪絲初輦桑鑽火已陳祝  
融行緩緩夷則促頻頻竹簟歸思展蕉衫別恨新未移

曬書堂試帖

五

西柄斗還臥北窗人暮宿聞蟬送晨裝浥露勻黃駟餘  
蹀躞靑女莫遙巡漸覺辭紈扇涼颺動白蘋

華封三祝

瞻就依雲日恬熙樂井田請看三祝願甯減九如篇要  
裕螽麟後須知福壽先呼疑嵩嶽出語是華封傳祉介  
男稱百眉豪歲有千人忘庚癸喚史紀甲辰年祚共階  
冀永祥因譜颺縣卽今移善禱長樂戴

堯天

沈珠於淵



虞帝敷文日明珠被棄捐產崖尤自潤映水折空圓欲  
絕清心後輝生照乘前月華沈極浦星彩隱重淵岸上  
憑遊蚌波閒任媚川底須勞象索曾不礙龍眠迹本殊  
投璧珍甯擬在璿

聖皇崇儉約羣仰寶惟賢

冬日可愛

莫訝冬烘暖都緣愛日存地鑪辭宿火牆角上朝暎赤  
實良堪擬黃絲未足論怡顏當北陸曝背在南軒短景  
臨虛牖晴暉暖遠邨渾如人藹藹誰似德溫溫有纒何  
須挾無衣亦負暄和光千載挹不羨暴桑恩

曬書堂試帖

六

鴻毛遇順風

噫氣生蘋末征鴻厲羽毛一行隨爽籟千里度秋毫逸  
翻原能振衝颺恰與遭快乘風力順偏覺雁飛高螭螭  
雲橫塞瀟湘水滿篙排空眞復易藉勢渾忘勞漸陸思  
騫翥爲儀鬪譽髦

聖賢相遇處多士看翔翺

一樹十穫

甫田誇歲有嘉樹接芳鄰實落知堪取材成信可掄穀

升還似舊條肄更生新圃毓皆維寶園收未是貧十年  
勤養木百億笑盈囷倍入超多稼承先在析薪莫教山  
濯濯何羨粟陳陳杞梓天家用

熙朝貴樹人

萬寶告成

暎帝催將斂西成秩敘偕以殷秋是仲維寶物難儕地  
產紛無數天時詎有乖芳園琅作菜珍果繡鋪街白屋  
千家富黃雲萬頃排珠隨瑤草拾粒豈玉田埋美利穰  
穰滿豐年處處皆太平逢樂日筐篚獻

曬書堂試帖

七

堯階

九月寒砧催木葉

涼天經雨後晚菊送秋殘戍所長爲客衣襟怯是單誰  
家砧調急滿地葉聲乾宛轉傳霜信櫛參伴月看低隨  
蛩度響遠帶雁驚寒落木淒晨聽繁音警夜闌關山懷  
渺渺塞草望漫漫極目遼陽外冬裘幸復完

焚膏繼晷

讀書憐短晷學富美多文日御憑誰返蘭膏好共焚一  
鐙花燦爛千卷影繽紛隙未憂駒過香還待馬薰自堪



消永夜聊復續斜曛脂潤尤偏遠心精業倍勤寸陰原是惜燒燭更曾聞竚望然藜閣餘輝儻可分

春風柳上歸

經歲春風別迢遙信尙稀忽穿花底過輕拂柳梢歸頗覺如期至應知取徑微干絲牽暖吹一路惹芳菲淡蕩眠還起輕揚是與非行蹤殊緩緩客思正依依極目來何處沿隄長幾圍龍池和氣早汁染入朝衣

大衍虛其一

神著宣奧祕演策啓圖書撲去三方變懸來一是虛奇形甯待耦乘數卻歸除道妙根無極天心損有餘惟樞能運斗去穀不成車至靜觀元始非空溯太初零占桐葉剩朔驗草痕舒大衍含精蘊靈緘孰得如

一覽眾山小

杖策登東岱超然縱目閒蒼茫分一氣隱約藐千山撲地成工垤連峯失黛鬢青氛低楚岫紫靄壓秦關不蟻封何聚如拳石是頑甯宜辭土壤直爲絕塵寰眾鳥憑軒翥浮雲任往還曾聞天下小逸步願追攀

海浴寒鵬囁

南山巉絕處鳥翥勢孤撐噉舉鵬搏見形寒海浴清疑  
銜三島去恰帶六鼇橫浪碧翻顛脰波紅閃目晴峯尖  
高欲啄水底怪潛驚插漢翹千尺摩雲出八紘扶搖看  
直上口吻總難名朗詠昌黎句奇音尙覺鏗

十月滌場

龍見田功畢時寒入孟冬穀升期百億場滌慰三農逐  
隊兒童喜迎暄老叟逢稼雲堆地盡邨月伴人春潔淨  
經風埽圓瑩待雪封叮旁眠有鹿牆角噪無蛩蜡樂聲  
先肆春醪包未濃應知幽國俗朋酒獻君宗

曬書堂試帖

九

抽沈掇論

造物藏無盡奇珍有美含是珠憑探掇如璞尙包函蚌  
孕三更月驪眠百尺潭泥塗拚久辱沙礫復何堪謾說  
眸空注須知手可探騰輝盈一握論價抵雙南但覺潛  
窟發何妨寶不貪卽今求隱逸雅意重淵涵

崇巖吐清氣

最愛登臨處清新展畫函嵐光浮遠岫爽氣下崇巖暮  
紫千層合空青一色咸洞天靈不祕崖谷口難緘晚照  
翻蒼壁秋風老碧杉自然雲結構都是石巉岳樹市峯



全隱樵歸日半銜匡廬眞勝絕到此隔塵凡

刺繡五紋添弱線

履長春有信紅女展香奩未返陽烏舍初遲晝漏籤花  
磚三刻度綵線一痕添暗送金鍼影輕移玉指尖殘絨  
窗自唾密縷手頻拈歷錄人堆繡溫暉日射檐鴛紋增  
嫋嫋駒影逗纖纖漸覺喧妍近梅粧映曉簾

歲豐民樂

瓠瓜占歲稔場圃樂農秋白屋新添潤黃雲爛欲流史  
將書大有筮是奏崇邱禹甸歡心洽堯衢信口謳邨童  
閒戲馬野老慢驅牛問客呼庚未求漿在酉不合錢同  
飲釀擊壤任嬉游

聖世豐年屢歛幽不讓周

蟹胥

直隸試題

盤中新薦醞海表舊旁行本自尋灘得還從覆甌成脯  
黃同解散戈甲憶縱橫鹽漬腴偏美芒翰味更清臭甯

同鹿殘

鹿殘見禮  
內則注

珍豈亞侯鯖竟復菹彭越

嶺表錄異  
云蟹蝟小

蟹也吳人呼爲彭越蓋語  
訛也李陵書韓彭菹醢

何緣喚長卿

古今注蟹蝟  
一名長卿

鮮殊鮎醬

鮎醬見  
說文

鄉思比萹羹青土傳方物

君庖貴不盈

霧松

象思齋塾課題

霧霧凌晨合嚴霜帶夜寒凝殊冰筋結碎作玉英殘曉  
霽煙初散林凋粉更團凍花黏不落霏屑著方乾瑤草  
期相拾瓊枝若可餐玲瓏分樹影羃歷接江干木稼休  
輕擬琴心莫更彈普天同瑞色白屋盡騰歡

俗諺云霜松打霧松

窮漢置飯甕見某氏詩注

昭文不鼓琴

塾課改王希洛作

能識琴中趣何勞技絕殊輕彈聲每變不鼓韻方無得

曬書堂試帖

十一

意甯揮手忘言但據梧

莊子德充符據梧而暝釋文崔云據琴而睡也

海天

空浩渺松石入模糊林靜蟬初歇花閑鳥自呼停宜涼  
月待眠趁綠陰鋪境寂心逾豁音希詣未孤漆園談妙  
理眞解定非虛

波屬雲委

宋書曾著論謝客夙工文共訝淪漣轉誰將鬢鬢分祇  
緣詞涌水更看筆垂雲奇作峰巒轟濃連荇藻紛千層  
浮極浦幾疊點蒼雲落紙煙難埽推波響欲聞池塘春  
草夢林竹石門曠秀句思康樂山川意不羣



紅梅

素質反成絢淡情微帶濃不妨脂粉態仍是雪冰容俗  
豔排桃李塵囂遠蜨蜂色香參小果心事寄殘冬頰頰  
非關酒寒姿獨伴松施朱還綽約家在藐姑峯

魯相拔葵

塾課改一嶸弟作

機上無畱織園中豈畜葵如茅同拔卻及菽任烹之別  
有傾心處甯忘衛足時幽圖人自繪晉客馬空馳蔬甲  
新方嫩畦丁利可辭早教蒲妾遠甯許木奴私魯削憑  
人諂臣清只自知至今驚露在誰復念公儀

曬書堂試帖

三

鐵硯磨穿

塾課改一嶸弟作

硯鑄何州鐵桑窮幾許年豈知人勵志非但石能穿任  
作錚錚響難勝墨墨研形隨駒隙轉質共麝煤遷竟似  
卮無當何妨壁失圓磨甯矜不磷鑽莫歎彌堅此卽剛  
柔克全憑識力專不勞媧煉補終古漏青天

春雪

萬片浮空下三農紀瑞占煖宜滋麥隴輕不掛茅檐柳  
茁蘓猶嫩梅殘萼更添居然呈粉本宛爾失峯尖春淺  
先飛絮冬餘尙撒鹽點衣寒欲減隨屐膩還黏錯認花

生樹翻疑月映簾如膏同霰隸

帝澤共優霑

清新俊逸兼而有之 劉莘麓

曬書堂試帖

三

孫男聯 蘇薇 聯 茹芬 校字

曾孫國 瑞忠 國 鎮斌 同校字



曬書堂詩餘

小令

棲霞郝懿行蘭皋

憶王孫

水仙花

銀臺金盞出凡塵謝盡鉛華色味真微步淩波蹙水紋  
想前身不是湘神是洛神

如夢令

鐙宵無月 二首

沸地笙歌激烈竟夜鐙花紅徹搔首問姮娥那閉廣寒

曬書堂詩餘

宮闕明月明月似姤良宵佳節

鐙也有時銷歇月也有時虧闕古往與今來多少華鐙  
明月佳節佳節催促白頭如雪

前調

秋宵八詠 錄六

月色不離花影風葉亂拋苔井徙倚下中庭仰視星河

耿耿清冷清冷秋是愁人先領 牟默人評曰清雋似吳晉人語

借問寒蛩作響幾許殷憂惆悵夜半不成瞑苦作哀吟

悲唱思量思量都在鐙前枕上

密篠深叢夜黑幾點流螢照得飛過綺窗西又度芭蕉  
院北思意思憶爾是誰家秋色

蝙蝠窺鏡深屋鼠子作聲牀足花徑小狸奴偷覷熒熒  
雙目休逐休逐踏破蒼苔階緣  
鬢是爲愁催雪腸是爲情添結霜雁帶邊聲鐵笛中宵  
吹裂悽切悽切合向雲中君說

天也何會常碧月也何會常白三萬六千場有酒何妨  
無客難得難得付我今年今夜

夢江南

曬書堂詩餘

題畫筆

鴛湖畔人面如花妍欵乃聲中楊柳絲絲綰住採蓮  
船情在阿儂邊

搗練子

邑有商於外者久不歸婦病危篤夜夢夫授一詞

曰熟諷疾良已試之果然未幾鄰人自外至者

具言夫沒塞北數月矣余按其詞乃調寄搗練

子一名深院月南唐後主之所造也然其醫病

之功殊不可解豈昔人常誦杜詩治瘡茲適與



之合耶顧間其夫不知書此詞又誰授之者一

時傳播字或錯譌余既異其事因錄其詞兼次

原韻得三首其詞曰深院靜小庭空斷續寒砧斷續風無奈夜長人不寐數聲和

月到簾櫳

遼海外信音空水上浮萍一葉風人比黃花還瘦損滿

瀟暮雨掩房櫳

歡夢散枕衾空恨殺檐頭鐵馬風盼到當歸詞一闕玉

人病起倚簾櫳

空是色色還空雨泣花愁怨暮風妾感君魂畱塞外君

曬書堂詩餘

三

隨妾影傍簾櫳

中調

一翦梅

詠小屋盆梅

閣筆閒將品格論不是仙人便是山人明窗淨几寄閒  
身何處陽春此處陽春肯與凡花眾卉羣雪伴黃昏  
月伴黃昏幽香不許蜨蜂親誰賞清芬自賞清芬

長相思

秋閨

怕清秋又清秋落葉無風下樹頭懷人獨倚樓 思悠  
悠恨悠悠好把心愁與舊愁都教付水流

### 浪淘沙

#### 前題

倚枕剔殘缸月白如霜礎聲搗碎九迴腸料想寒鐙孤  
館夜一樣淒涼 露白又葭蒼好製衣裳閒拈色線細  
端詳無奈惱人蕉聒雨偏近西窗

### 臨江仙

癸卯冬夜偶讀武王衣銘蠶桑苦女工難未嘗不

#### 曬書堂詩餘

四

掩卷而歎也昔杜少陵寓蜀每蠶熟與妻兒躬  
行乞曰如或相憫惠我一兩絲痛哉言乎余願  
司牧者各書一通於座右綴詞四章聊附瞽矇  
諷誦之義

#### 祈蠶

棟子纔風梅子雨蠶家日日怱忙應知浴罷潔收藏梨  
花初釀酒新祭馬頭孃 穩歷三眠三起後須移葦薄  
筠筐當年謾笑杜陵狂乞將絲一兩採盡陌頭桑

### 鷓鴣天



飼蠶

族族區間出未齊旋移娛葉碧萋萋燠寒飢飽都關會

陌上人歸日又西 朝雨後晚風時蠶性惡 涇忌風小心防護

過嬰兒山妻笑向園公問報得辛勤幾兩絲

擁破浣溪紗

收繭

梅子青時繭已黃摘來旋滿女兒筐了爾綢繆陰雨事

固包桑 可歎功成身已隱辛勤空爲主人忙借問行

藏誰得似漢張良

曬書堂詩餘

五

虞美人

繅絲

線車安放蛾眉杖絲老翁初上蛾眉杖絲老翁俱挂 絲用之見農桑輯要冷

盆旋轉出絲窩細看絮盤錢眼有多多 西陵人是千

秋祖縷縷皆辛苦豪門切莫賤綾羅受盡幾番風雨後

回磨

醉花陰

雪後

乍冥檝下催滕六滿樹梨花撲曉起急呼童先看牆頭

壓折幾竿竹 起來行到梅花屋  
花蘂含新綠 掃雪掩柴門  
整頓牙籤經史須勤讀

### 西江月

#### 食芋

如斗汶山拾得地 鑪桴炭煨將  
詞人作束細 端詳好認蹲鴟模樣  
鮮美輸他墳首豐肥飽我枵腸  
須知此味不輕嘗 領取十年宰相

#### 憶秦娥

重過馮氏故居

馮居北郭西偏地頗幽靜兼有園亭之勝余八九歲時隨族曾祖往

#### 曬書堂詩餘

六

遊距今二十餘年矣歲甲辰春以事重經其地  
惟見蓬蒿滿徑狐鼠窺人而已聊賦四章用存  
遺跡

鑪煙裊蘭房 春煖人聲俏 人聲俏 小鬟來報海棠開了  
名姝狹客知多少 醉鄉絲管無昏曉 無昏曉 金釵狼藉玉山傾倒

誰歌哭 空堂白晝鳴鴉鵂 鳴鴉鵂 雕梁燕子別巢新屋  
菟裘十載成虛築 繞階脩竹森如束 森如束 滿庭芳草到春猶綠

寒煙漠西園 長閉沈魚鑰 沈魚鑰 春風香徑小桃開落



亭臺傾圮池塘涸蓬蒿滿院堪羅雀堪羅雀青苔石  
畔繡裙曾掠

春夢絕豪華自古同銷歇同銷歇平泉金谷廢垣荒陌  
蕭然環堵高人宅清風明月逍遙客逍遙客龜蒙粟  
里陶潛彭澤

踏莎行

秋海棠

絳靨新舒朱脣斜映多應生在胭脂井淒風苦雨度黃  
昏紅顏贏得傷秋病寶鴨香殘綠窗人靜芳容似比  
生前勝一枝嬌嬾未全開倦眸貪睡何曾醒

曬書堂詩餘

七

海棠春

都門看演祝英臺傳奇

彩鸞妙結文簫友共几硯芳心微逗薄倖小金甌隔斷  
連環鈕良緣已分成嘉耦卻不道承筐有咎風雨晝  
簾垂頗憶書窗否

卜算子

前題用東坡先生韻

月老沒來由錯把良緣定辜負漁郎覓武陵隔岸桃花

影 斷帶結同心此意無人省  
燈燼流螢自入幃月落  
空階冷

長調

滿江紅

李生作杲婦張氏夫死日卽殉壯而賦此

粉褪香銷畱正氣千秋不死憶夫病臨危叮囑別離今  
始六幅紅裙濺血淚一條白練辭姑姊盼空梁燕子落  
香泥忙驚起 淡遠堂今齊美

氏祖姑孫氏亦殉節李氏堂名淡遠松筠

志誰能擬知來生化作竝頭連理浪說神媧天補漏虛  
傳思婦城崩圮古今來多少未亡人何須爾

曬書室詩餘

八

前調

義姬郭氏李卓甫先生之侍兒也先生爲邑名宿  
郭於先生沒後奉養主母守志不嫁今其年蓋  
七十餘矣余旣撰次其事兼爲此以壯其節其  
事詳具於傳

裙布釵荆誰似此芳心如鐵况三五衾裯未抱小星空  
列燕子樓偕關盼老綠珠腸爲齊奴熱卻輸他婢未作  
夫人尤奇絕 脂粉氣全銷滅眉黛恨何曾結念君恩



流水妾心冰雪國士難忘知己遇女郎饒有驚人節五  
十年白髮兩孤嫠燈前說

前調

自歎

丁未春以優貢生朝考  
久客都門悵然有作

生小嬋娟那敢道芙蓉如面妄思想姮娥有意幸垂青  
盼豈料夢遊仙洞府而今流落閒宮殿論班行雖不是  
青衣終輕賤 整頓就描鸞管安排下繡鴛線待翦裁  
香茗標題紈扇無奈君王金屋宿獨教賤妾長門怨望  
朦朧月色隱昭陽難窺見

曬書堂詩餘

九

沁園春

趙秋谷海鷗小譜書後

戒殺佯狂紅鐙屋裏碧瑣窗邊把鶯鶯燕燕紅紅簡簡  
樵成小像寫向花箋紫陌尋春青樓買笑費盡囊中舊  
俸錢催人老揚州一夢二十餘年 歸來重整丹鉛空  
學士風流豔八甄想鳳皇池畔珂鳴曉漏鷺鷥隊裏笏  
挂朝煙狹路疲驢天街怒馬回首炎涼劇可憐無頭腦  
混荆鄉市上蘇小筵前

滿庭芳

山陰余生完嫺樓霞署中詞以賀之

代城守王作

天上雙星人間二美鵲橋剛報初秋珠簾繡幌斜月挂  
銀鈎鳳管鸞簫隱隱霞山署僑作秦樓須分付今宵蓮  
漏慢下五更籌 宦遊蹤不定相逢萍水竟賦河洲望  
家山雲中江樹悠悠卻扇分明認取依稀是夢裏篋  
華堂內故鄉燕子最戀玉釵頭

新娘余生同鄉  
人亦客於樓

前調

歲癸卯家郡泉叔舉於鄉賦此自勵

風雨連朝重陽近也好音雲外飛傳姮娥有意的是愛

曬書堂詩餘

十

青年張樂都門飲餞此行去何異登仙知他到鵲華橋  
畔爭訪孝廉船 可憐將額點龍門無分又落孫山論  
文章須耍花樣新鮮便把寒窗重整青雲志窮且益堅  
曾聞道阮家咸籍俱是竹林賢

賀新郎

甲辰之歲甯海大姓某有女年十八遭疾不起委  
頓中爲男子音聲自言前身爲海陽李孝廉客  
死都門游魂無依託爲君女十有八年矣今當  
長逝舊緣雖盡獨新恩未酬耳將歸謀諸婦言



已遂卒有頃復蘇語音頓異詢之卽孝廉婦也  
爲詞一闕以志其事

憎殺書生相脫青衫換將紅袖前因暗想夢裏燕山尋  
舊雨曾否故交無恙禁不住狂吟豪放便是翩翩林下  
女孝廉船那好夫人上應怕見休相訪而今句卻從  
前帳十餘年黃梁炊熟寶珠離掌止欠蓼莪詩一卷未  
報雙親鞠養欲別去轉生惆悵幸有齊眉人可託舊釵  
裙改作新模樣願百歲長依傍

念奴嬌

曬書堂詩餘

冬日書懷

面城荒圃經營就茅屋三閒而已屋內雖然無別物頗  
有圖書文史幾本梅花幾株松樹竹影搖窗紙儘堪怡  
悅說甚山林城市連日天氣清寒問春何在在我蝸  
廬裏竹綠松青梅又白不是陽春誰是富貴何時人生  
行樂飲酒賦詩耳問予何人碧桐書屋居士

沁園春

紙鳶和韻

裝點頗工眞亦非眞空亦非空把兒童游戲弄成題鳳

佳人裁翦認作驚鴻柳線微牽遊絲輕漾斷送伊家兩  
臂弓須著眼莫求高反墜斷梗飄蓬 朦朧月照花叢  
恰便要乘虛入桂宮恐驀然蹉跌難施腕力任人操縱  
橫被狂風澹蕩斜陽裊裊烟陌身在虛無縹緲中回頭  
看似胡盧依樣爾我相同

曬書堂詩餘

音所姑鼠於對語延味同

新新我風蕩蕩險劇爽爽歐利長音虛無縹緲中回頭

奇財要乘虛入桂宮恐驀然蹉跌難施腕力任人操縱

目已氏蕃則莫求高反墜斷梗飄蓬 朦朧月照花叢

目人裁翦認作驚鴻柳線微牽遊絲輕漾斷送伊家兩

孫男聯

孫薇 聯芬

校字

曾孫國瑞國斌同校字



和鳴集序

金石無情乎磁鍼胡爲而相引草木無情乎花葉胡爲而相當凡品彙之倫生成於陰陽斯應感以聲氣而况人乎人於陰陽尤得其靈秀非若金石之頑冥草木之無知也雖然亦有異焉或滴而薄或泛以濫心匪石堅性類金寒若彼其人殆不可轉乃若終風寫怨陰雨孤思苟兩美其未合固獨絃之難張仰寥廓而莫承亦雖鳴而勿善譬諸草木薰蕕判矣安望同心之言臭如蘭也夫情之至者恆不可解昔人有言理之所無情之所

和鳴集序

一

有乃今見之矣茲有兩人瑞玉蘭皋其於情也蓋其深焉而瑞玉尤甚方其未見或徵諸夢或遇以神結同心矣旣而雖鳴鴈尙瓊英如賓友焉蓋臭味之投定於有生之後而精神之契在乎未接之先兩人者真奇遇哉蘭皋曰茲嘉話也不可以弗傳詩者人所藉以鳴也金石不和則不鳴草木之無聲風撓之鳴維詩亦然集而曰和鳴者何懿氏有言鳳凰于飛和鳴鏘鏘是其徵也昌黎亦云和其聲以鳴國家之盛今兩人所爲詩雖未敢云播之金石也豈如薰蕕之不可同器藏乎哉瑞玉

曰善於是著於篇蘭皋氏撰

和鳴集序

和鳴集序



和鳴集

蘭皋郝懿行

同撰

瑞玉王照圓

催粧二首

天賜良緣會人看燕喜時雙星低繡闥兩葉映新詩桃李何穠矣英華俟著而夢鐙頻結彩未締姻前瑞玉履有雙鐙吉夢知非

偶然早定百年期蘭皋

由來天作合今值于歸時宜室欣題句令居喜詠詩高山吟仰止充耳俟乎而敬戒萱堂樂預知偕老期瑞玉

和鳴集

卻扇二首

粧閣燒銀燭良宵寶篆熏君才嫺詠雪我意慕凌雲花點齊眉案香飄賦茗文早知諳女誠挽鹿謝殷勤蘭皋

佳夕雙星會焚香寶篆薰妾心非愛酒君志可登雲積錦書添色生花筆有文不堪鐙下讀拙作謝殷勤瑞玉

前題

二十五年諧鳳卜八千餘里壯鵬圖鐙前滉漾窺粧鏡

切莫低聲喚老奴蘭皋

千里良緣綵線牽三冬穀且結團圓挑鐙最喜親風雅

先說周南第一篇

瑞玉

梅花

何處清香遠遙瞻嶺上梅不隨羣卉茂獨占一陽開

瑞玉

前題步和

百卉皆爭發一枝獨放梅爲嫌茅屋小先向玉堂開

蘭泉

秋月

瑞玉十歲尙未讀書秋夜新霽與諸女伴戲月

下因得句云

海上一輪月乾坤通徹明兔宮桂花滿先照玉堂中

瑞玉

和鳴集

迎春花

頃覺陽和至迎春早吐花風來舒綠葉律轉鬪黃葩東  
蝶驚新夢寒蜂出舊衙預知天地意逐暖露光華

瑞玉

前題步韻

東風催早放迎暖發春花碧玉裁爲葉黃金鑲作葩粟  
形分桂蕊

桂花名金粟迎春大於桂而花樣似之

蜜色照蜂衙

上苑推先入新年第一華

蘭泉

擬西崑體贈瑞玉

嘉耦謾誇九十儀可人最喜是情癡青鐙入夢金花榜



紅果同心玉樹枝日暖蘭苕遊翡翠雪深硯水凍璫璃  
捲簾煮茗鑪煙裊裁罷詩箋更著棋

蘭皋

淋漓詩草滿箋紅飛雪翩翩柳絮風不信佳人非國士  
方知婦女是英雄文成織錦珊瑚鈎豔書罷簪花古墨融  
看取朝天揮彩筆當年舉案笑梁鴻

蘭皋

### 瑞玉請題美人三子圖

繞膝兒皆美誠求母最諳斯螽推則百雛鳳恰成三庭  
喜芝蘭列人矜磊落談

世說其人磊落而英多

家祥兼國瑞多福

更多男

蘭皋

### 和鳴集

三

關關雎鳩

得鳩字

雙雙摯鳥下河洲兩兩和聲動遠流共看于飛占彩鳳  
相關對語聽雎鳩霞紅十里音皆妙草綠三春韻更悠  
八百餘年開大業誰知窈窕始鳴周

韓文周公鳴周蘭皋

河鯉登龍門

得登字

龍門百尺勢凌嶒河鯉雄心在此登雷雨經綸成變化  
風雲會合助飛騰分開碧浪三千里透出丹霄十二層  
得意凌空初破壁鳳凰池上喜同升

蘭皋

邦家之光

得光字

門與駟馬有輝光夢卜飛熊感

聖王玉筍聯班推國器桂花幾樹滿庭芳文章有用輕  
縑筆勲業無邊畫錦堂青史千秋書第一金甌覆處姓

名香

蘭皋

飛鴻響遠音

得飛字

丈夫有志慕雄飛豈爲稻粱願自肥響入九天煙漠漠  
音騰萬里霧霏霏清聲直上青雲路高韻還驚白玉扉  
燕雀安知鴻鵠志一鳴須看動邦畿

蘭皋

丁未嘉平良夜月明挑燈閒話瑞玉拈此四題限酒

和鳴集

四

熱詩成自慙鈍拙僅完二首遂叨佳釀其後二首異  
日方足成之視詩箋淋漓尙帶酒氣也他日瑞玉乃  
屬和焉戊申三月望前三日蘭皋識

關關雎鳩

摯鳥飛來度遠洲相關對語兩情投清音嚶嚶遙連水  
雅韻悠悠喜聽鳩鸞鳳和鳴流太液鴛鴦逸響振

皇州會當飛入龍津裏飲啄

上林得自由

瑞玉

河鯉登龍門



龍門最喜列千層  
河鯉奮身自可登  
三汲浪中神變化  
九天雲外忽飛騰  
行看直上辭波濁  
倏爾凌空見海澄  
雷雨匆匆偏助勢  
凡魚那得望同升

瑞玉

邦家之光

丈夫立志慕龍光  
觀國用賓逢

聖王蓮漏朝天輝  
彩筆桂花滿樹現  
文章和鸞燕笑登  
螭陛嘉客笙簧樂  
玉堂拜手賡歌成  
上理

一人齊祝壽無疆

瑞玉

飛鴻響遠音

和鳴集

五

塞上春回鴻欲歸  
雙雙攜伴喜同飛  
清聲嘹唳浮蒼靄  
餘韻悠揚度翠微  
一天邊橫逸翻

鴻飛天上越人誤以爲乙

遙遙

雲際趁斜暉  
鳳凰池上應先入  
響近丹青白玉扉

瑞玉

瑞玉嘗夜夢呼者曰照圓名大吉後因以字爲名

名日照圓字瑞玉一號婉侖蘭皋乃記以詩云

神貺良非偶嘉名自此更來從  
西竺國兩字恰天成

蘭皋

簪迎春花

灰飛新節至小苑發春花  
迎暖分金蕊橫釵映鬢斜

瑞玉

風暖間嗁鳥

好鳥乘時至飛鳴自遠郊芳林開錦幄曉樹接雲巢恰  
自花間出還同月下敲千聲傳葉底百轉度林梢翅拂  
青枝動風添翠影交會當樓

上苑雅韻傍

螭坳 瑞玉

桃始華

微暖韶光早天桃始發華和風吹綠葉細雨潤丹葩爛  
熳迎朝日輕盈鬪晚霞芳林鶯出谷暖圃蝶尋花  
謝靈運詩  
墟園散似錦繁枝麗如雲豔影斜高堂春色滿之子詠  
紅桃

和鳴集

六

宜家 瑞玉

風雨交集

長空風雨集杳靄起清煙溼重庭前竹輕扶水面蓮如  
膏催柳綠似扇弄花妍日出浮雲捲龍飛上九天 瑞玉

春雪間早梅

春暖陽和至輕明雪尙堆銀光鋪素玉嶺上鬪紅梅日  
出芳枝溼花繁凍蕾開甯隨羣卉茂獨占百花魁 瑞玉

竹箭有筠

喜見庭前竹菁菁綠幾尋虛心千尺迥勁節四時深堅



直同松柏青蔥閱古今  
棲柯鸞鳳穩林外聽瑤琴

王維詩獨

坐幽篁裏彈琴  
復長嘯

瑞玉

### 春柳

時回春日暖晴看柳垂金  
綠葉和風放新枝拂曉禽

瑞玉

### 雪夜懷瑞玉

正月二十一日

東風吹雪下瓊樓對酌黃昏憶昔遊  
謝女吟成歸錦里

陶郎烹就掩金甌

文選掩金觴而誰御

孤山竟阻尋梅客  
剡木空

賒訪戴舟今夜圍鑪深坐久  
可曾擁被覺寒不

蘭皋

### 戊申秋試寄蘭皋二首

#### 和鳴集

七

七月初旬零雨濛君將行路日曛曛  
登山臨水千程遠撥霧披雲萬里通  
早起單衣添曉露晚眠細葛透清風  
會當得副青雲志靜案幽窗莫輟功

瑞玉

### 其二

小試文場久擅名矮廬一入倍經營  
案頭揮筆風添勢夜半搆思月助明  
花結錦成人易懶雲飛露白馬登程  
如君折得蟾宮桂自爾高山聽鹿鳴

瑞玉

### 步原韻

初戒行裝細雨濛  
詰朝旋見日曛曛  
雖經紫陌千回遠

且喜青雲萬里通，眼注文章沖北斗。心隨駿馬逐西風，  
要須身作登瀛客，不負螢窗十載功。蘭皋

其二

五試秋闈未有名，臨文檢點細經營。敢誇筆陣凌風勢，  
要使奎光映月明。局促未經呈驥足，扶搖且看接鵬程。  
感君千里遙相憶，側耳西風聽鹿鳴。蘭皋

濟南歸途有作贈瑞玉

感君千里寄魚書，迢遞歸途思有餘。七夕橋深危駿馬，  
三官嶺曲罷征車。最愁倦客登長路，且喜家山近敝廬。

和鳴集

八

側耳好音頻聽取，問期應在菊花初。蘭皋

過西海子看新荷

涼亭水榭映朝霞，碧沼初開菡萏花。海子西頭楊柳岸，  
綠煙深處是仙家。瑞玉

驅蚊

雷聲隱隱遠飛來，快喚阿奴羽扇開。幾縷雲煙空繚繞，  
么膺盡掃作塵埃。瑞玉

其二

蒲臺艾葉兩濃薰，剛到黃昏喚辟蚊。捲起湘簾煙漸細，



繁聲莫遣小兒聞

瑞玉

新秋晚涼卽事

繩牀露坐望天街，牛女無言傍水崖。卻聽鄰家喧笑語，

隔牆鐙影落牙牌。

瑞玉

六月廿日炎熱特甚雨後有作

夕陽紅處火雲蒸，霹靂一聲得未曾。雨後晚涼天宇淨，

渾如人抱玉壺冰。

瑞玉

前題和韻

一洗長空暑氣蒸，汗流揮扇又何曾。月明天宇涼如水，

和鳴集

九

誰向街頭更買冰。

蘭泉

偶題

君親須孝也須忠，女子顯揚男子同。氣吐九霄光日月，

裙釵端的是英雄。

瑞玉

勵志

三十年來拂面塵，而今未改鏡中春。平生要作校書女，

不負烏衣巷裏人。

瑞玉

福山二伯母索詩題

慈闈屢向索詩篇，舊稿拋殘已數年。燕石何堪供一笑，

休將兒女話人前

瑞玉

秋夜

晚涼雨過暗香生  
籬豆花開月正明  
滿院梧桐秋色老

惱人蟋蟀枕邊聲

瑞玉

和鳴集

十

蘇芬

孫男聯校字

蘇聯芬

曾孫國瑞國同校字

蘇祖良文清人前

蘇玉



家人祭財神率爾有作  
王照圓

卵蝦香楮薦靈神聞道此君解濟貧多少繁華桃李占  
梅花寒似讀書人  
二語從孟子出

沈實高華抑揚瀟灑

其二

魚頭何必論錢神寒到梅花未覺貧贏得流芳傳百世  
功名須咬菜根人

荅得好

其三

下筆千言如有神等身著述不爲貧玉臺金屋皆黃土

惟有永初作賦人

曹大家東征賦  
永初七年作

正恐難索解人

其四

不必焚香枉賽神立身清白始能貧長安多少豪華客  
羞煞深閨刺繡人

是生公說法未二語從孟子化出

其五

青蚨萬貫妙通神兩世盧生故是貧三十鑪頭騰鬼火

冥間亦有愛錢人  
宋人小說稱盧懷慎暴死復蘇歎曰冥司有三十鑪日夜爲張說鑄橫財

我無一焉  
詠諧入妙

其六

竹林風采儼如神  
手握牙籌定不貧  
阿堵無言錢故在  
當年鑽李又何人  
看得破便不爾

其七

八十攤言妙入神  
草元何補子雲貧  
甄劉鼎貴忙中盡  
載酒輸他問字人

清韻

其八

澗菜溪毛可薦神  
瓣香畱得孔顏貧  
簞瓢疏水依然在  
閱盡浮雲世上人  
大家猛省

其九

稽首天公造化神  
看來誰富與誰貧  
山邱華屋同歸盡  
總是空空妙手人



稍近俳

其十

餐風飲露練精神便學真仙也是貧左右圖書尋至樂  
紅塵白髮幾多人

有曲終江上峰青之妙

十首借題抒寫一氣呵成淋漓盡致卻不顧世眼驚  
也 辛未九月四日蘭皋讀



三

出 辛未九月四日蘭皋讀

十首借題抒寫一氣呵成淋漓盡致卻不顧世眼驚

有曲終江上峰青之妙

其十

孫男聯孫如校字

曾孫國瑞國斌同校字

